

512
1948 2



ციცია

«აყვადი, ტურთა ქვეყანაგ
იღბინე, ქართველთ
და შენც, ქართველთ, სწაველითა
სამშობლო გაახარეო.»



№ 9 1948

ნორჩო თაობავ, ჩვენო იმედო!

თქვენ იცით, რომ დიდი ქართველი მწერალი, დავით გურამიშვილი ცხოვრობდა ასორმოცდაათი წლის წინათ, მას სწავლებე ასე აქვს ნათქვამი: „სწავლა სიკვდიმდე შენია, მუდამ შენთანა მყოფელი, თუ კაცსა ცოდნა არა აქვს, გასტანჯავს წუთისოფელი“.

ამას გვასწავლიდა დიდებული პოეტი, მაშინ, როდესაც მიიჩნეოდა საყვარელი საქართველო იწეწებოდა ჯარეშე დამპყრობლებისაგან და შინაური მოპაღაფეებისაგან, როდესაც ხაღხს სწავლისათვის არც კი ეცადა.

დღეს კი, ჩემო პატარებო, თქვენთვის დაგვა დრო სწავლისა:—საცაა თქვენი სკოლის კარები გაიღება და სიციცხლით აღსავსენი შეხვდეთ შიგ, რომ დაეუფლოთ სხვადასხვაგვარ ცოდნას, ცხოვრების სიბრძნისმეტყველებას.

და რა ბედნიერები ხართ თქვენ!

თქვენთვის, ნორჩი თაობისათვის, ჩვენს დიად ქვეყანაში გზა ხსნილია ყოველმხრივ.—სწავლაში თუ შრომაში. თქვენ შეგიძლიათ გახდეთ ინჟინრები, აგრონომები, მასწავლებლები, იფრინოთ ცაში თანამედროვე სწრაფმავალი თვითმფრინავებით და იცუროთ ზღვაში თანამედროვე ტექნიკით აღჭურვილი ხომალდებით.

სწავლაში უნდა იყვეთ ბეჯითნი, ხოლო შრომაში გამრჯენი.

არ დაივიწყოთ დიდი ღონისის ანგერძი: „სწავლა, სწავლა და კიდევ სწავლა!“.

თუ ყოველი თქვენგანი ჩაუფიქრებდა ამ ძვირფას დარიგებას, ეს ძალიან კარგი იქნება.

სწავლის დროს შეიძლება შეგუძობვეთ რაიმე სიძნედეები, მაგრამ არ უნდა შეუშინდეთ, პირიქით. უნდა გადაღახოთ.

სწავლა ჩვენი მგობარია, იგი ჩვენთვის ყოველთვის ძვირფასი და ტკბილია.

მალვა ლალიანი

საქართველოს
საბჭოთაო კავშირი



საქართველოს
საბჭოთაო კავშირი

4057

საქართველოს
საბჭოთაო კავშირი

31 აგვისტოს, მძიმე ავადმყოფობის შემდეგ, გარდაიცვალა კომუნისტური პარტიისა და საბჭოთა სახელმწიფოს ერთ-ერთი გამოჩენილი მშენებელი და მოღვაწე, საკავშირო კ. პ. (ბ) ცენტრალური კომიტეტის პოლიტიბუროს წევრი, საკავშირო კ. პ. (ბ) ცენტრალური კომიტეტის მდივანი, სსრ კავშირის უმაღლესი საბჭოს დეპუტატი, გენერალ-პოლკოვნიკი აშხანაგ ანდრია ალექსანდრეს-ძე ედანოვი. მთელი ჩვენი ქვეყანა იცნობდა აშხანაგ ედანოვს და მხურვალედ უყვარდა იგი — ბოლშევიკური პარტიის სახელოვანი შვილი, დიდი სტალინის ერთგული მოწვეფე და თანამებრძოლი.

ანდრია ალექსანდრეს-ძე ედანოვი საბჭოთა ბავშვების შესანიშნავი მეგობარი იყო. მიუხედავად იმ უზარმაზარი მუშაობისა, რომელსაც ანდრია ალექსანდრეს-ძე ეწეოდა, როგორც ბოლშევიკური პარტიის ერთ-ერთი ხელმძღვანელი, იგი ყოველთვის პოულობდა დროს ბავშვებზე საზრუნავად.

ბევრს, ლენინგრადადელ პიონერთა წინა თაობიდან, ალბათ კარგად ახსოვს ის დღე, როცა შესანიშნავი საჩუქარი — პიონერთა სისახლე მიიღო; ანდრია ალექსანდრეს-ძის მითითებით ლენინგრადადელ პიონერებს გადაეცათ ქალაქის ერთ-ერთი საუკეთესო შენობა — ყოფილი სამეფო სისახლე. შემდეგში, აშხანაგ ედანოვი არაერთხელ სტუმრებია პიონერებს თავიანთ მშვენიერ სისახლეში და ყოველთვის ფიქრობდა იმის შესახებ, თუ როგორ გაეხადა ეს სისახლე კიდევ უფრო მოწყობილი მუშაობისა და დასვენებისათვის.

ანდრია ალექსანდრეს-ძეს ყოველთვის აინტერესებდა პიონერების ცხოვრება, სწავლა და დასვენება. დიდი ყურადღებით აღევნებდა თვალყურს ბავშვების შემოქმედებას. ლენინგრადადელი პიონერები ხშირად ხედავდნენ ანდრია ალექსანდრეს-ძეს თავიანთი თვითშემოქმედების ზეიმებზე. იგი სიამოვნებით ათვალისწინებდა ბავშვების ნახატებს, მათი ხელით გაკეთებულ მოდელებს, ისმენდა მათს ლექსების კითხვას და სიმღერას.

„თვალწარმტაცი ბალის ყვავილეტებით იფურჩქნება ჩვენი ბავშვების ნიჭი და უნარი სტალინური მზრუნველობის შვის ქვეშ“. — ამბობდა ანდრია ალექსანდრეს-ძე. მას მუდამ სწამდა თქვენი, სჯეროდა, რომ ძლიერი, გამბედავი და პატიოსანი შვილები ეზრდებით საშობლოს. „რა პირდაპირი და თამამი თვალებით გაჰყურებენ ჩვენი ბავშვები ქვეყნიერებას“, — ამბობდა სიამაყით ანდრია ალექსანდრეს-ძე. „მათთვის ბრძოლით მოპოებულია გზა-ხსნილი მომავლისაკენ. რა მშვენიერი აღაშინები გაიზრდებიან ჩვენი ბავშვები. დარწმუნებული ვარ, ისინი კეთილსინდისიერად დაასრულებენ იმ საქმეს, რომელსაც უფროსი თაობა ეწევა“.

ანდრია ალექსანდრეს-ძე ედანოვის ნათელი სიცოცხლე მისაბამი მაგალითი იქნება საბჭოთა ბავშვებისათვის.

პ ა წ ი ა გ მ ი რ ი

ცნობილი ქართველი მწერალი, აღექსანდრე ყაზბეგი დაიბადა 1848 წელს შეძლებული მემამულის ოჯახში. პატარა აღექსანდრემ ბავშვობიდანვე შეიყვარა ჩაგრული მთიელი გლეხ-კაცობა. როდესაც წამოიზარდა, მიატოვა მამამისის მდიდრული ოჯახი, ხელში მეცხვარის ჭოხი აიღო და რამდენიმე წელიწადი უბრალო მწყემსებთან ერთად გაატარა მთაში; ხალხს დაუახლოვდა და მათს ჭირსა და ღვინის იზიარებდა.

სწავლა-განათლების მიღების შემდეგ, აღექსანდრე ყაზბეგმა კიდევ უფრო მეტად შეაქცია ზურგი გაბატონებულ საზოგადოებას, რომელსაც მისი მამის ოჯახიც ეკუთვნოდა, და თავისი ბრწყინვალე კალმით ბრძოლა გამოუცხადა მას.

ჩვენი პატარა მკითხველებო, დრო მოვა, გაიზრდებით, საკუთარი თვალთნათკევით და სკოლაშიაც ისწავლით ყაზბეგის შესანიშნავ ნაწარმოებებს: „მამის მკვლელები“, „ელგუჯას“, „ხევისბერი გორას“ და მრავალ სხვას. ამ წიგნებით გაიგებთ თქვენ თუ რა აუტანელი იყო ძველ დროში ცხოვრება; ეს წიგნები გასწავლიან თქვენ: სიმათლის, ვაჟკაცობისა და შეგობრობის სიყვარულს.

წელს შესრულდა ასი წელი აღექსანდრე ყაზბეგის დაბადებიდან. ქართველი ხალხი დიდი სიყვარულით აღნიშნავს ამ თარიღს.

ქვემოთ ვათავსებთ აღექსანდრე ყაზბეგის მოთხრობას — „პანია გმირი“

ეს მოთხრობა მწერალს დაუმთავრებელი დარჩა. იგი პირველად დაიბეჭდა ჟურნალ „ვეფხისტყაოსნის“ 1904 წელს.

ერთ სასწავლებელში ძალიან ბევრი ყმაწვილები იყვნენ და კარგადაც სწავლობდნენ; მათში მხოლოდ ორი მოწაფე განსხვავდებოდა; ისინი სხვებზე უფროსები იყვნენ და პატარა ბიჭებზე მეტად ესმოდათ, მაგრამ ორივე დიდგულობდა და თავის ამხანაგებთან ამპარტავნობდა.

ერთ მათგანს ერქვა პეტრე, მეორეს გიგლა და ორივენი სკოლაში ერთად დადიოდნენ. გიგლა პეტრესაგან მხოლოდ იმით განსხვავდებოდა, რომ ამხანაგებს სასაცილოთა ხდიდა და მასხარად აიგდებდა ხოლმე.

იმავე სკოლაში იყო ერთი პატარა მოწაფე ტატო; იმის სიღინჯე, სიწ-

ყნარე და მეცადინეობა ყველასათვის სამაგალითო იყო.

ერთ დღით, როდესაც შეგირდები სასწავლებელში მიდიოდნენ, ნახეს, რომ ტატოს ერთი ძროხა გზაგზა მოჰყავდა.

— ტატოს ძროხა მოჰყავს, ტატოსა! — დაიძახეს იმათ მხიარულად და გაიქცნენ პატარა ბიჭისაკენ.

მოყვიინეთა შორის გიგლაც იყო, ის ყველაზე მეტს ხარხარებდა.

ეს ისეთი შემთხვევა იყო, რომ გიგლა პატარა მეძროხეს მასხარად აუგდებდნენ არ დასტოვებდა.

როდესაც ბავშვები ტატოს მიუახლოვდნენ, გიგლამ ხარხარით უთხრა მეძროხეს:

— შენ, ეი! რძეს როგორა ჰყიდი? შენი ძროხის რქები ოქროსი ხომ არ არის?... ერთი შეხედეთ. შეხედეთ იმის წაღებს, სწორედ ქალაქში შეყერილის არა ჰგავს?!

ტატო მიხვდა, რომ მასხარად იგდებენ და დასცილიან; მას წაღები კი არა, კობუჯები*) ეცვა და მისძროხას არამც თუ ოქროს რქები არა ჰქონდა, არამედ სრულიად დოლა (ურქო) იყო.

ტატო არ გაჯავრდა მათ ხუმრობაზე; შეხედა გიგლას, გაიღიმა, ჩაიქნია ხელი და ძროხასასოფლო საძოვრისაკენ მიაბრუნა. პატარა ბიჭმა ძროხა იმ მინდორზე გაუშვა, სადაც სოფლის საქონელი ძოვდა და ის იყო გამობრუნდა სკოლაში წასასვლელად, როდესაც სოფლის მეძროხე მოვიდა მასთან და ჰკითხა:

— ბიჭო, ე ძროხა, რომ საძოვრად

დაგყავს, რატომ სამეძროხოს არ მძღვევთ?

— სამეძროხო რაში უნდა მოგცენ? ძროხა მე მომყავს და მე მიმყავს ხოლმე და საძოვარი კი სოფლისა არის!

— მეძროხისათვის ერთი პინა**) პურია დაწესებული და ის ვერ გამოგიმეტებიათ, შე კაი კაცო?— უთხრა მეძროხემ და დაუმატა: — აბა, მაშ მე თვალყურს არ ვადევნებ თქვენს ძროხასა და თუ დაიკარგა ჩემი ბრალი არ იქნება...

— დღე კი არსად წავა და ღამე აქ არ დავტოვებ, — უპასუხა პატარა ტატომ და სკოლისაკენ გასწია.

ასე დაჰყავდა ეს ძროხა ტატოს ყოველ დღე და გაკვეთილებსაც არ აკლდებოდა.

არავინ არ იცოდა ეს ძროხა ვისი იყო, საიდან მოჰყავდა პატარა მოწაფეს და სად მიჰყავდა.

*) კობუჯებს მოხვევები ქალამნებს უწოდებენ.

**) პინა — დიდი ჯამი



ასე მიდიოდა ტატოს ცხოვრება კარგა ხანს; ის არა ღალატობდა თავის ძროხას და მისი ამხანაგები კი არ იწლიდნენ ამ ბიჭის მასხარად აგდებას.

ყველაზედ მომეტებულიად არ უსვენებდა გიგლა, რომელიც შეძლებულის, მდიდრის დედამამის შვილი იყო და ძროხის უკან დევნა სათაკილოთ მიაჩნდა.

ერთ ღღესაც ჩვეულებისამებრ აუტყუნენ ტატოს. გიგლა ეუბნებოდა: — შენი ძროხა არა გყავს და სხვის ძროხას იმიტომ დასდევო... მოჯამაგირეთ დამდგარხარო. ტატო იცინოდა, მათ სიტყვებს ხუმრობად სთვლიდა, მაგრამ იქამდის გადაეკიდნენ, რომ სანამ არ აატირეს აღარ დაეხსნენ.

მათს ლაპარაკს მასწავლებელმა ყური მოჰკრა. გიგლა დატუქსა, ტატოს დაუყვავა და ყველანი დამშვიდდნენ. მაგრამ მასწავლებელი კარგი კაცი იყო, თავისი მოწაფეები ისე უყვარდა როგორც მშობელს, და მამასავით უვლიდა, მან განიზრახა შეეტყო მეცადინე და მუყაითი მოწაფე, პატარა ტატო, მართლა ისე ღარიბი იყო, რომ სკოლაში სიარულის დროს მეძროხეთაც დგებოდა, თუ სხვა რომელიმე მიზეზით დასდევდა სხვის ძროხას? კეთილ მასწავლებელს სურდა ტატოს ცხოვრების შეტყობა კიდევ იმისთვის, რომ თუ მართლა ღარიბი და გაჭირვებული იყო, ეშველა რითიმე.

მას ტატო იმიტომ უფრო უყვარდა, რომ არც სწავლასა სცდებოდა და არც მუშაობას ზარობდა.

იმ საღამოს, როდესაც საქონლის

შინ გარეკის დრო მოვიდა, მასწავლებელმა აიღო ჯოხი და დასწავიდა და სოფლის საძოვრისაკენ.

ურიცხვი საქონელი, იალაღზედ გასული, გაფანტულიყო და ძოვა-ძოვით შინისკენ მოდიოდა. ძროხებს თითქოს აგონდებოდათ თავთავიანთი პატარა ბოჩოლები, რომელთა გასაძლომად რძე მოემზადებინათ, და დროგამოშვებით გაბლაოდნენ. იქნება მათ ისიც კი ეგონათ, რომ ხმას მიაწვდენდნენ თავიანთ შვილებს და დედის მოშორებით დაღონებულებს ანუგეშებდნენ.

ნახირში ჩარეულიყვენ მოუსვენარი თხები, თავიანთის ცმაკუნა წვერებით და ხმაღს მიმსგავსებულის გრძელის რქებით. დარბოდნენ და კიკინებდნენ.

გამოიარა ნახირმა, მეძროხემ, თავისი ტლაშუნა შოლტით და მისხა კულა-ძაღლმა ბროლიამ. მათ უკან მოსდევდა ტატო, რომელსაც პატარა სახზე ეჭირა იღლიაში და თავისი დოღა ძროხა მოჰყავდა.

მასწავლებელი იქვე მდგარს ხეს მოეფარა და მხოლოდ მაშინ გამოვიდა თავისი საფარიდან, როდესაც ტატო მას ვასცდა.

პატარა მწყემსი ჯერ გზას დაჰყვა, შემდეგ გადაუხვია მას და სოფლის განაპირას, ერთს დაძველებულ ქოხთან მივიდა.

მასწავლებელი, რომელიც უკან მისდევდა, აქაც მიიმალა და ისე უყურებდა.

— დარეჯან, ძროხა მოვიყვანე, — შესძახა ტატომ.

ქოხიდან გამოვიდა ვიღაც მოხუ-



ცებული დედაკაცი, გამხდარი და ფერწასული. ეტყობოდა რომ ავადობდა და ძალიან ღარიბიც უნდა ყოფილიყო. მას დაკონკილი ტანისამოსი ეცვა, სახე თუმცა დანაოჭებული ჰქონდა, მაგრამ შეხედულობაში და შავ თვალებში სრული გულკეთილობა ეტყობოდა.

— გაიხარე, შვილო, — გამოსვლის უმალ უთხრა მოხუცმა, — ამ ძროხას რამდენი ღერი ბალახიც შეუქამია, იმდენი წელიწადი შეგემატოს, ისე შენმა გულმა გაიხაროს, როგორც შენ მივლი და მახარებ ქვრივ-ოხერსა.

— დედი, შეშა ხომ არა გაქვს, და საკრელი? — ჰკითხა ტატომ.

— შენ კი გაიხარე, შენ შემოგველოს ჩემი თავი!... არა შვილო, არა... შეშაც გამოგველია.

— ხვალ ტყეში წავალ და ერთ კონას მოგიტან.

— არა, შვილო, არა შენ გენაცვალე! — შეშინებით და მზრუნველი ხმით უთხრა მოხუცმა. — ტყეში არა გეტკინოს — რა, თორემ დედაშენის საცოდაობით დავიწვი...

ნახატი იოსებ გაბაშვილისა

ს ა ნ ა პ ი რ ო

აქ ჭაობი იყო წინად,
 ბაუაყების იყო ბინა.
 ბაუაყები ეიყინებდნენ:
 — კრრუუ უუა, კრუუ უუა...
 მათმა აუი-ეი-ეინებამ
 ეურთასმენა ვააურუა.
 ჭაობები ამოაშრეს,
 ბაუაყები აბა თუ ჩანს!
 ჭაობების ნაცვლად ახლა
 ვაიუებანეს კონტა ქუჩა.


ნიკოლოზ ჩაჩავა






ალექსანდრე ყაზბეგი

ნახატი სტალინური პრემიის ლაურეატის, სახალხო მხატვრის უჩა ჯვალარიძისა



Ք Օ Ե Յ Գ Ծ Ծ Ե



ნ ა გ ი რ ო ბ ა

ნახატი შალვა მაცაშვილისა

ჩემი პირველი დღე სკოლაში



ნაღმელა კონსტანტინის ასული კარუსკაია — მათი უძველესი ბოლშევიკთაგანია. აბს. ვ. ი. ლენინის მატარებელი მხრობაში და თანაშემწე იყო. მთელი თავისი სიცოცხლე ნაღმელა კარუსკაიამ აძოვალუცია, ჩვენს ძველ-ახალს, ბავშვებისა და ახალგაზრდობის აღზრდის საქმეს უძალია.

ნაღმელა კარუსკაიას ეს მოთხოვნაა მოთხოვნილი იყო შუაწელ, შუაზილა-ში.

ექვსი წლისა რომ შევესურდი, მადე უკვე სკოლაში უნდა მევლა და ამით ძალიან ვამაყობდი. რა მოუთმენდავ ველოდი სკოლაში წასვლის დღეს! განსაკუთრებით იმიტომ მინდოდა წასვლა, რომ იქ მომეცემდნენ სურათებიან წიგნს და მასწავლებლებს წამეკითხა შიგნა სწერია.

... მე უკვე „ი“-ს წერავიცილი. შემეძლო შენგარნიშა რას უდრის 2+2 და ლორის დახატვაც მეხერხებოდა.

როგორც იქნა, სკოლაში წასვლის წინაღმდეგ მოაწია. საღამოთი შვიდ საათზე დამაძინეს. ერთხელ კიდევ შევა-მოწეე სწორად მუშაობდა თუ არა ჩვენი საათი, შეათეჯერ დავავაღე დედას დილით ადრე გავეღვიძებინე და როგორც იქნა ჩამეძინა. სიზმარში ვხედავდი სასკოლო დაფას და ფერად ასლებს, რომლებიც სასაცილოდ მეტყუანებოდნენ.

დილის ექვს საათზე უკვე ფეხზე ვიყავი, შვიდის ნახევარზე, საღმოსაწაულა კაბით გამოწყობილი, კარებში ვიდექი და ყველა გამეღელს ვუამბობდი რომ მე დღეს სკოლაში მივდივარ.

დედამ ხედი ჩამეკიდა და გავეშურეთ. მგონია ფეხს მიწას არ დავაკარებდი ისე გავექანებოდი, დედას რომ არ ველოდი ხედმოკიდებულ. დედას მხრებზე რუხი შადი წამოვსხა და შევაძინე, რომ შადიქვეშ რალაცას მალავდა. მაგრამ არ შეგკითხებია, მე სულ სკოლა მიდგა თვალწინ.

... მე მერხზე დამსვეს, დედა კი სახლში წავიდა. სხვა ბავშვებიც მოიყვანეს; ბოციერთი დედის წასვლაზე ტიროდა და ჰყვიროდა.

ბარის ხმა გაისმა. მასწავლებელი სკამზე დაჯდა, სათვალეები გაიკეთა და ჩვენი სახელებით გვიძახებდა. მე ძალიან გავოცდი. ნუთუ მან ყველაფერი იცის? სიდიან იცის ჩვენი სახელები? ვერც კი შევაძინე, რომ სიდიან გვიძახებდა.

როდესაც ამოძახებდა დამთავრა, შეგვეკითხა, თუ ვინ რა ვიცი. ატყდა ხმაური. ყველა ერთად ყვიროდა, გამოიკვია რომ „ი“-ს წერა იცოდნენ, 2+2-ის გამოყვანაც შეეძლოთ, მაგრამ ლორის დახატვა არავის შეეძლო. ზოგმა მაგილის, სკამის და ნაძვის დახატვა იცოდა, მაგრამ ცხოველი კი არ შეეძლო დაეხატა. დაფასთან რომ გამიძახეს და ხელში ცარცი მომეცეს მე ძალიან დავიციხვინე, მაგრამ მაინც გაბეჯულად მოვხაზე სამკუთხედი, შუაში წერტილი დავსვი და თან ვთქვი: „აი პატარა სახედი, შიგ ერთი ქალი ცხოვრობს, იმას

პატარა გოგო ჰყავს, დედამ გოგონა რძის საყიდლად გაგზავნა“. ამით მე უკვე ლორის თავი გამოვსახე და გათამამებული განვაგრძობდი: „აი, პატარა გოგო მთაზე ადის, რძეს ყიდულობს, და ქვევით ჩამოვარდება“. ამ სიტყვებზე, მე ცარციტ მრუფე ხაზი გავავლე, ჯერ ზევით, მერე ქვევით—გამოვიდა ლორის ზურგი „უცბად გოგოს ხელიდან რძის ქილა გაუვარდა, რძე მიწაზე დაიქცა და გოგოს კაბაზეც დაესხა“. მე ლორს კული დავუხატე, რომელიც დაღვრილ რძეს გამოხატავდა. „გოგონა სახლისაკენ ტირილით გაეშურა; მაგრამ ეშინოდა, რომ დედა დასჯიდა, ამიტომ არ ჩქარობდა და პირდაპირ კი არ წავიდა; მიხვეწულ-მომხვეწული ქუჩებით მოუარა“.

ამასთან ერთად მე დავხატე ლორის ფეხები, ვითომ ეს მოსახვევები და გვერდის ქუჩები იყო. „აი, შვიდა გოგო სახლში, დედამ წარბები, მოილუშა, და უთხრა: ეჰ, შე პატარა ლორუკავ!“ —აი, ლორიც გამოვიდა! მართალია თავგს უფრო მიავაგდა, ვიდრე ლორს, მაგრამ კლარა მასწავლებელმა გადაიკისკისა და ბავშვებმაც გაიციინეს, მე კი ამაყად დავბრუნდი ჩემს ადგილზე.

გაკვეთილი დამთავრდა, მასწავლებელმა გვითხრა, რომ საკულწანოში არის ქიშმიშის ხე და მის ტოტებზე ფოთლე ბის მაგიერ ქალაღის პარკები იზრდებაო. თან გამოგვიცხადა: ეხლა ქვევით ჩავა და ჩვენთვის პარკულებს მოკრებს— „მაგრამ მხოლოდ ის კარგი ბავშვები, რომელნიც სკოლაში ხალისიანად მოვიდნენ მიიღებენ პარკებს“.—ეს გვითხრა და წავიდა.

მალე შემოგვიტანეს ტკბილეულით გავსებული ქალაღის პრედი პარკები.

მასწავლებელმა გვარებით ამოგვიძინა და თითო პარკი ყველამ მივიღეთ. არა, ყველამ არა! ორ ლარიბ ბავშვს არაფერი ერგოთ, თუმცა ისინი „სკოლაში ხალისით მოვიდნენ“, ხოლო ჩემს გვერდით, ოღია გროსი იჯდა, ის გაკვეთილს განმავლობაში სულ ღრიალებდა და ყვიროდა, რომ სკოლაში ყოფნა არ უნდოდა. მას ყველაზე დიდი პარკი მისცეს.



ლარიბი მშობლების შვილებს კი პატარა პარკები ერგოთ; მერე გავიგე, რომ იმ ორ ბავშვს არა ჰყავდა დედამა, რომლებიც მათ ასეთ პარკებს უყვილიდა. სხვები რომ მზიარულობდნენ, ისინი ტირილდნენ.

როდესაც წამოვიზარდე, მე ბევრჯერ მიუტკირია: რა უსამართლობაა, ზოგს ყველაფერი თავზე საყრდელი აქვს და ზოგს კი არაფერი გააჩნია, და ვცდილობდი გამეგო: საიდან იყო სიმდიდრე და სიღარიბე და როგორ მოვიქცეთ, რომ ყველას კარგი ცხოვრება ჰქონდეს მეთქი.

მე ბევრი ვისწავლე და ახლა უკვე ვიცი.

ნახატო გიორგი ჩოინიშვილისა

ჩვენს დიდებულ მწერალს, ალექსანდრე ყაზბეგს, პატარაობისას მებრახეულად მოჩხუბარიძეს ეძახდნენ.



პატარა სანდრო თერგის ნაპირას უზარმაზარ ლოდზე იჯდა და დაფიქრებულ: გასკქეროდა დარილის ხეობას. გაათრეებული, ჩქარი მდინარე ღრიალით მიაქანებდა შუოთიან ტალღებს, მაგრამ სანდროს თერგის ხმაური თითქოს არ ესმოდა. მუხლსთავებზე გაშლილი რვეული დევლო, რომელშიც ხანგამოშვებით რაღაცას იწერდა.

სანდრომ თვალი მოჰკრა თერგის პირას გზაზე მიმავალ ცხვრის ფარას, რომელსაც სამი მწყემსი მიერეკებოდა. ცხვრის ფარა თვალს რომ მიეფარა, სანდრომ პატარა გოგონა დაინახა, მას ხელში ბატკანი აეყვანა და სოფლისკენ მიჰყავდა. გოგონას უჭირდა მსუქანი ბატკნის ზიდვა, მაგრამ ძირს მაინც არ სვამდა, იჩქაროდა, თან უკან-უკან იხედებოდა.

„ეს ხომ ჩვენი მეზობლის გოგონა, ძიძია ჰქვია“, — გაიფიქრა სანდრომ და უცებ შენიშნა, რომ ძიძიას უკან ვიღაც მოზრდილი ბიჭი მოსდევდა.

„ეს ბიჭი გირგოლაა, ნეტავ რა უნდა, რად ასდევნებია ძიძიას?“ — ეკლავ გაიფიქრა სანდრომ.

ძიძია იმ ლოდს გაუსწორდა, რომელზეც სანდრო იჯდა. დაქანცული შეჩერდა, უმწეოდ მიმოიხედა, მაგრამ სანდრო ვერ შენიშნა.

გირგოლა ძიძიას წამოეწია. ბოროტი, ჩასისხლიანებული თვალებით შეაჩერდა და გოგონას მკვახეთ ჰკითხა:

—ვისია ბატკანი, ქალავ?

—ჩვენია, წელან ფეხი მოიტეხა, ფარას ჩამორჩა, ახლა შინ მიმყავს! — უპასუხა შე-

შინებულმა ძიძიამ და წასვლა დააპირა.

—მოიცა!..

მრისხანედ შეუტია გირგოლამ, — იქნებ ჩვენია, იქნებ ჩვენს ფარას ჩამორჩა?

—რას ამბობ, გირგოლავ, რას?..

გოგონამ წამოიძახა ძიძიამ და ყუყუნა, ცისფერი თვალები ცრემლით აევსო.

სანდრომ წამოიწია. გული სწრაფად უცემდა. დაჩაგრული გოგონა შეებრალა. შხად იყო გადამხტარიყო და ყელში სცემოდა მოძალადეს, მაგრამ გირგოლა დიდი ბიჭი იყო, ტანადი და ღონიერი; სანდრო ყოყმანობდა.

გოგონამ ღონე მოიკრიბა, იმ ხეობისკენ გაიქცა, საითაც წელან ცხვრის ფარამ შეუხვია და ხმამაღლა დაიკვილა:

—მიშველეთ... მიშველეთ... კობავ, ვაეიავ, ელგუჯავ, მიშველეთ!

გირგოლამ ისკუბა, ორი ნახტომით წამოეწია და გაქცეულ გოგონას ხელი დაუნდობლად ჰკრა. გოგონამ წაიფორხილა და ღორღიან გზაზე გაიშხლართა.

სანდრომ მეტი ვეღარ მოითმინა, ღორღიან გადმოხტა და გირგოლასკენ გაიქცა. გირგოლამ ფეხმოტეხილი ბატკანი ხელში აიყვანა და წასვლა დააპირა.

—მოიცა, გირგოლავ, მოიცა!

მიძახა სანდრომ და გირგოლას წინ გადაუდგა. გირგოლა ქშენით შეჩერდა. სანდრო ყაზბეგი რომ იცნო, სახეზე შეკრთომა და წყენა აესახა, მაგრამ მაინც უტყდა უპასუხა:

—რა გინდა, ბატონიშვილო?

—ვისია ბატკანი?

წამოიძახა სანდრომ და ჯერ გირგოლას შეხედა, შემდეგ აცრემლივთულ ძიძიას.

— ჩვენია, ლომისის მადლმა, ჩვენი. წყლან ხევში გადაგვივარდა და ფეხი იტკინა! წამოიძახა იმედმოკვნილმა ძიძიამ.

გირგოლა ჩუმად იდგა და მიწის დაპყურებდა.

სანდროს ჯავრი ყელში მოაწვა, უცნაური ხმით დასკვივლა გირგოლას:

— დასვი მიწაზე ბატკანი და აქედან დაიკარგე...

გირგოლამ თავი მალა ასწია, ბრაზით კბილები დააკრპუნა და გესლიანად თქვა:

— ყაზბეგიანთი რომ ხარ, იმითა დიდგულობ, არა?..

სანდრო უარესად აენტოა. მოძალადეს მიეჭრა და მარცხენა ყბაში მუშტი შემოჰკრა.

ამ დროს ხეობიდან სირბილით მომავალი ორი მოხვეე ბიჭი გამოჩნდა. გირგოლა შეტორტმანდა, ბატკანს ხელი უშვა და სანდროსაკენ გაიწია, მაგრამ სახენთებული სანდრო და მოახლოვებული ბიჭები რომ დაინახა, უკან ვაბრუნება იკადრა.

— დაიცა, დაიცა, არ შეგარჩენ, არა! ახლავე ყველაფერს მოვახსენებ თქვენებს!... წამოიძახა მან და სოფლისკენ მოჰკურცხლა.

ბავშვები ერთხანს ჩუმად იდგნენ. შერე ყველას გაეცინა. რომ დამშვიდნენ, კობამ წამოიძახა:

— სანდრო, ძმაო, კაი ბიჭი ყოფილხარ... თუ გვიკადრებ, ძმად გავიფიცნეთ! ბიჭები ძმად გაიფიცნენ და მალე თავთავის გზაზე წავიდნენ.

სანდრომ სახლს რომ მიადგინა, წინ შეშფოთებული დედა შეეგება.

— რა მოხდა შეილო, რად ეჩხუბებ? ამ საბავსო გირგოლას თავი რად გასუტანდა?

შეეკითხა მკაცრად იგი. სანდრო სდუმდა, არაფერს ამბობდა.

— აი, შე მოჩხუბარიძევე, შენა!.. დაუყვავა დედამ. სანდრო კვლავ სდუმდა. თავის ფიჭვს მისცემოდა.

მკირენის შემდეგ სანდრომ დედას თავისი დღიურების რვეული მიუტანა. დედამ რვეული გადაფურცლა და წაიკითხა:

— დედა, საყვარელო დედა... მოჩხუბარიძე კი არა, რაც გინდათ დამარტყით, მაგრამ გირგოლა საძაგელი ბიჭია, მას იმ მუშტზე მეტი ეკუთვნოდა... ძიძია ჩემი დობილია. კობა, ვაჟია და ელგუჯა ჩემი ძმანაფიცები არიან, მე ისინი მიყვარან, მათთვის თავს გავწირავ...

დედას სიხარულით აუთრთოლდა გული. სანდროს თავი გადაუწია და ქვიან თვალებში აკოცა.

— კალმით, ჩემო მოჩხუბარიძევე, კალმით იჩხუბე, მუშტი შენი საქმე არ არის! ჩურჩულებდა ის და საყვარელ შეილს გულში იკრავდა.

„დიახ, დიახ“ — ფიჭვობდა სანდრო — „უფრო მეტად შევიყვარებ ძიძიას, კობას, ელგუჯას, ვაჟიას... გირგოლას კი“...

სანდრომ დედის დარიგება შეასრულა. ჩხუბი არავისთვის აუტეხია, პატარა, ბასრი კალამი სიკვდილამდის ხელიდან აღარ გაუგდია, მაგრამ მეტსახელად მაინც დედისაგან დარქმეული „მოჩხუბარიძე“ შეჩრა.

გიორგი შაგვარაშვილი
ნახატი შალვა ცხადიძისა

თინა ადრე წამოსტა,
დაიბანა სელხიოთ,
ფისო კნავილ-კნავილით,
საუზმისთვის შესტირის
შემდეგ დაჯდა, ჩაფიქრდა,
“დედაენა“ გაძალა,
კადიკითხა ნასწავლი,
კულმოდგინედ, ჩქარ-ჩქარა.
ადგა, მიდის სკოლაში,
ფისო მას უთვალთვალებს,



რადგან თავსე ჩიტვიით
თეთრი ბანტი ფართქალებს.
გიორგი ლავაია



პ ა წ ა წ ი ნ ა წ ი წ ი ლ ა

პაწაწინა წიწილაბ
ასე დაიწიწინა:
„პატარა ვარ, უვითელი,
სათუთი, სმა-წინწილა,
ნეტავ, ფეტვის მარცვალდი
სულ მუდამ მაკნენინა,
და დედიკოს ფრთების ქვეშ
შემსვა, ტუბილად მაძინა.“
ილია სინარულიძე

ბ ო ჩ ო ლ ა

რას დაკუნტრუმებს ბოჩოლავე,
რა გახალისებს, მითხარი,
ის გიხარია, დედიკოს
რომ დაუცალე ჯიქანი?
თუ ექებ, სადმე იპოვნო
ცელქი, პატარა თიკანი?
წამო, დელესკენ წაგიყვან,
შენი მშობილიც იქ არი.
J. შიშიაშვილი





მზით გაშვებული ბავშვები სკოლის ეზოში თავს იყრიდნენ და კლასების მიხედვით ჯგუფ-ჯგუფად დგებოდნენ.

ერთ ჯგუფს გივიც შეუერთდა. მხიარულად მიესალმა ამხანაგებს. გივის თან დასდევდა ერთი პატარა ბიჭი, რომელიც გაცემებული უცქეროდა ხალისიანად მოლაპარაკე ბიჭებს.

- გივი, ეს პატარა ვინ არის?
- ჩემი ძმია. დღეს პირველად მოვიყვანე სკოლაში. ჯერ არავის იცნობს...
- რა გქვია? — შეგკითხნენ ბიჭუნას.
- რამაზი.
- რამაზ, ეს რა წიგნი მოგიტანია?

ყველა ეკითხებოდა რამაზს. პასუხსაც ყველას აძლევდა, მაგრამ ცალი ხელი მაინც გივის ხალათზე ჰქონდა ჩაჭიდებული. ეშინოდა, არსად გამეპაროსო.

პირველი ზარი აწყრიალდა. ახლა უფრო მეტი ყრიაშული შეიქნა. გაისმა მასწავლებლების ხმა:

- მეორე კლასელები — ჩემთან.
- მესამე კლასელები — ჩემთან.

პირველი კლასის მასწავლებელი თავის უცნობ მოწაფეებს აგროვებდა. გივიც პატარა ძმით მისკენ გაეშურა.

- პატივცემულო მასწავლებელო, ჩემი ძმა მოვიყვანე. პირველ კლასშია მიღებული.

- ჰოო, ეს ჩემთან იქნება! — თქვა დიმილით აღშზრდელმა, რამაზი გვერდით დაიყენა და აღერსით უთხრა:

- შენ დღეიდან ჩემი მოწაფე იქნები. ხომ გინდა სწავლა?!

რამაზმა თავი დახარა და პასუხი ვეღარ მოახერხა.

ნინომ, რამაზს, პატარა მხრებზე ხელი გადახვია, თან გაიყოლა, პატარები საკ-

ლასო ოთახში შეიყვანა და თავისი ადგილება მიუჩინა. უცნობი ბავშვები გაცივებული უცქეროდნენ ერთმანეთს.

- მეც ამისთანა წიგნი უნდა ვიყიდო? — შეგკითხა რამაზს გვერდით მჯდომი პატარა ბიჭი.

- ჰო! — უპასუხა რამაზმა.

მასწავლებელმა, ბავშვები მერხზე დასხა, — წინ გამოვიდა და პატარებს უთხრა:

- როდესაც თქვენსავეთ პატარა ვიყავი, მასწავლებელმა მეც ასეთ პატარა მერხზე მომათავსა. ახლაც კარგად მახსოვს ის პირველი დღე და ეს დღე არც თქვენ დაგავიწყდებათ. დილით, საკლასო ოთახში მასწავლებელი რომ შემოვიდოდა, ჩვენ ფეხზე ვდგებოდით და ვესალმებოდით, ისიც სიხარულით გვიხრიდა თავს. თქვენც ასე უნდა მოიქცეთ. ხვალ, დილით რომ შემოვალ, აბა, როგორ მომესალმებით?

- სალამი, პატივცემულო მასწავლებელო!

მასწავლებელს გაეღიმა და პატარებს სიხარულით უპასუხა:

- სალამი, ბავშვებო! დასხედით!
- პირველკლასელები დასხდნენ.

- თუ რაიმეს თქმა გინდათ, თითი უნდა ასწიოთ; ვინ მეტყვის აქ რა უნდა ვისწავლოთ?

თითი პირველად რამაზმა ასწია:

- აბა, მითხარი! — უთხრა ნინომ.
- „დღეაენა“.

- უოჩად, სწორია, „დღეაენა“ უნდა ვისწავლოთ. მოუწონა პასუხი მასწავლებელმა.

რამაზმა კმაყოფილებით გადააზებდა მომავალ მეგობრებს, სუფთა მერხზე „დღეაენა“ გაშალა და თავის მასწავლებელს სიყვარულით მიაჩერდა.

საქართველოს მწერთა კავშირი

7054





— კობიტა!
 — არა, ალვისხეა!
 — არც ალვისხეა და არც კობიტა!
 ტი! — უფრო მუხასა ჰვავს!

ასე აყაყანდებოდნენ ხოლმე პატარები, განგებ აზვიადებდნენ და კამათობდნენ, იცოდნენ მოხუცი აგრონომის ხასიათი: ვერ მოითმენდა, თოხს ჩეროში მიატოვებდა, ლომებზედ გადმოვიდოდა, ქვაზე ჩამოჯდებოდა, ყალიონს გააჩაღებდა და ბეჭედს დასვამდა:

— თელაა, თეთრი თელა!

ასე გაგრძელდა მთელ კვირას. ბოლოს პაპა გიორგი მიხვდა ბიჭების ეშმაკობას; სოფელ ისვენებდნენ საზაფხულო არღაღებებზე, ბოტანიკას სწავლობდნენ სკოლაში და ყველა ჯიშს აბა სად მოიძებნენ ქალაქ ადგილას. ? ეამა, არ სწყენია, მაგრამ მაინც წარბი შეიკრა:

— აგრე არ ივარგებს, დღეები დაენიშნოთ საუბრებისათვის.

დანიშნეს დღეები: დღეგამოშვებით, ნასაღილევს, — აგროლებულზე.

შვინი, წიფელა, ასკილი, ზღმარტლი, იელი... და ვინ იცის კიდევ რამდენი რამ — საკუთარი თვლით იხილეს, საკუთარი ხელებით მოუჩხრიკეს შტოები, და საკუთარი ყურით მოისმინეს პაპა გიორგის ლექციები.

სწორედ ასე დაარქვეს იმ საღამოებს: პაპა გიორგის ლექციები...

აი, დღესაც პაპა გიორგის ლექცია აქვთ პატარებს: წინ მიუძღვებათ ბერეკაცო, პატარები გუნდად მისდევენ. — მაშ ასე, — ამბობს მოხუცი აგრონომი. — დღეს გვგმით ცაცხვი გვაქვს. არტელის გამგეობის გალავანში ავიდეთ; დიდი, ასი წლის ცაცხვი დგას, — სწორედ აბლა ჰყავის, — მობერდა და გვიან ჰყავის, იენისის ნაცვლად ივლისში.

ათი წუთის შემდეგ ბიჭები დიდი, გაბადრული ცაცხვის ძირში შეჩერდნენ.

მთელ საათს ილაპარაკა პაპა გიორგიმ. კანტორიდან არტელის თავმჯდომარე გამოვიდა, ბავშვებს ღიმილით მიესალმა, ხელი გაიწოდა და უთხრა: — შეხედეთ, გალავნის ირგვლივ პატარა ხეებს, — სამი წლის წინ გადმოვრგეთ, რამდენიმე წელიწადში კიდევ უფრო კარგი საჩრდილობელი გვექნება და არტელის კრებებს, სიცხეში, ჩრდილქვეშ ჩავატარებთ.

მოსაღამოვდა. გზაზედ სოფლის ნახირი მობლაოდა. პატარა მარინეს სხვაზე მეტად ღიო-ყვითლად გაპენტლი ცაცხვი მოეწონა. რიკულებიან აივანზე იჯდა და მასწავლებლის მოკემულ საზაფხულო დაფალებას პაპა გიორგის ნაამბობით აჯსებდა:

«ცაცხვი ფოთლოვანი, საჩრდილობელი მცენარეა; იტანს ყინვას და გვალვაც, ორმოცი მეტრის სიმაღლისა იზრდება და იენისში ღიო-ყვითლად ჰყავის. მრავლდება თესლით, და გადარგულიც ხარობს.

ცაცხვის ყვავილს ფუტკარი ეტანება. თავლი სურნელოვანი და ნოყიერი იცის. ფიცარი — რბილი, თეთრი და მსუბუქი აქვს, — კარგი გასაშალაშინებელია.

არტელის თავმჯდომარემ თქვა; საერთო მარანში დიდი საწნახელი რომ გვიდგას ცაცხვისა არისო. მე კი ჩემი თვლით ვუყურე როგორ გათალა ბიძია ლადამ ცაცხვის ოროში. ხეალ დილით მამიდა კატო ქადებს სწორედ იმ ოროშით ჩაასრილობს ქვის კეცებში».

მარინემ რვეულში, ნაწერის ბოლოს, ცაცხვის ყვავილი ჩააკრა. მერე რაღაც გაახსენა ყვავილმა და ქვეშ მიაწერა:

«ცაცხვი მაგალობელ ფრინველებს იზიადებს. ყვავილი და მერქანი სამკურნალოდ იხმარება. დედას ძლიერ უყვარს ცაცხვის ჩაი, ხეალ დილით უნდა მოკერიფო.

ჰო, ქეთო-მასწავლებელსაც მიუყითახე — გაეხარდება!»

გალაკიონი მინდაქი



შ ა რ ა ლ ა


გუნდკერძამდე სწვდება მხოლოდ მწვანე ახალუხი; წინა ასო მოაკვირი— ნაყოფია მუხის, ადექი და მიუმატე ერთი სიტყვა სრული, იგი შრომას გამოსახავს— ალუბაა პურის.

ახლა, ჩემო პანანინავ, გამოემეზნოთ სიტყვა, საბჭოთაო, რომ გვითქვია, ისიც მასთან გვითქვამს.

მოდო, წინა ორი ასო გამოუაკლოთ მასაც, წინა სიტყვებს მივუმატოთ და ნურტიდი დაესვათ.

ღენინური, სტადინური, და ფოლადის დარი, ის პარტიის ახალგაზრდა თანამემწე არის.

აბა. ნაიქითხე



ამ ჟღერებში, საათის ისრის მიმართულენ- პით და თანაბარი მანძილის გამოტოვებით, წაიკითხეთ ცნობილი ქართველი მწერლის სახელი და გვარი.

დასაწყის ასოს გირჩენებთ ისარი.

გ ა მ ო ც ა ნ ე ბ ი

ხან ჰკვიანი, ხანაც ცხარი, ყველა კაცის გასახარი, მისგან მუდამ გაკეთდება თუნდ საღიდი, თუნდ სამხარი,

სახელს ოთხჯერ გეუბნებთ და პასუხი შენ მითხარი. შედგენილი აღ. ყაზბეგის მიერ აცანცალა, მაიანცალა, კომბოსტოსგან სულ გაგვცალა. შედგენილი აღ. საჩინოელის მიერ.

პ ა ს უ ხ ე ბ ი

ქურნად „**ღ ი ლ ა**“-ს № 5-ში მოთავსებულ გასართობებზე

ღ ა მ ხ მ მ ა მ თ ი თ ა მ მ ა რ ს—ვანოს მიერ მოძრავ ანბანში ასო „უ“-ს დაკარგვის გამო გაუგებარი მოთხრობა წაიკითხება ასე:

ღიდი. მუხის ჩრდილში სანდრო და გურამი თამაშობდნენ. ხანდრომ ცხენის ძლა იპოვნა და შეგობარს დაუძახა:

- მოდი, ჩიტის მახე გავაკეთოთ, ჩუმად დავუგოთ ჩიტს.
- ჩიტი ცოდვავა, ხეობს ბებოს საცერი გავუკეთოთ.— თქვა გურამმა.


ჩ ა მ წ ი რ ა მ თ ი—სურათების ქვეშ მოთავსებულ რგოლებში ჩაიწერება ერთნაირი ასოები—**ო, ხ და ი**. მივიღებთ შემდეგ სიტყვებს: **ნ ო ხ ი, ჯ ო ხ ი, ქ ო ხ ი და თ ო ხ ი**.

პასუხისმგებელი რედაქტორი **კიმეზ ნაკვიანი**
სარედაქციო კოლეგია: **ბ რ. აბაშიძე, მამბერიძე, ზურაბაძე, იოსებ ნაიფაშვილი, ილია სიხარულიძე, თინათინ თუმანიშვილი, ნათვალა გივლოშვილი, ნატალია უნაშვილი, ზალდა ცხადავა.**



სურათ-გამოცანა

ბავშვებო! დააკვირდით ამ სურათს და გამოიკანით: ამ მშენებლობაზე რა და რა ხელობის ოსტატები მუშაობენ.



ყდის პირველი გვერდის მხატვრობა შესრულებულია შალვა მაყაშვილის მიერ
ყდის მეოთხე გვერდზე „სურათი-გამოცანა“ ეკუთვნის ან. კანდელაკს

ხელნაწერები ავტორებს არ უბრუნდებათ

„ДИЛА“ - ежемесячный детский журнал ЦК ЛКСМ ГРУЗИИ № 9. 1948 г.
გამომცემლობა „კომუნისტი“. რედაქციის მისამართი: თბილისი, ლენინის ქ. № 28. 1 სართ. ტელ. 3-81-85
გამომცემლობის შეფ. № 77 სტამბის შეფ. № 1309. ტირაჟი 7000 უდ 09755 შპნბ 5 შპბ
ტექსტი აწყობილია დ. პ. ზერიახ სახელობის პოლიგრაფკომბინატ „კომუნისტის“ სტამბაში. ეჭრნალი
დაბეჭდილია ოფსეტის სისტემის „მანტანზე“ ზარია ფოსტოკას“ სტამბაში, თბილისი რუსთაველის პროს. 42